

TE ROPU KARAITIANA O NGĀ TANGATA KARETI.

I tera tau he roa ta matou korero whakamarama mo tenei kotahitanga, ara te Ropu Karaitiana o Te Ao o Ngā Tangata Kareti. Kua eke ki te tekau-ma-tahi nga peka o tenei kotahitanga: (1) Kereti Pirirani (Ingarangi, Kotarani, me Aerani); (2) Amerika, (3) Huitini, Nowei, Tenemaaka; (4) Tiamana; (5) Taake, Kanaana, Ihipa; (6) Inia me Hirona; (7) Ahitereiria me Niu Tirenī; (8) Haina; (9) Tiapani; (10) Awherika ki te Tonga; (11) Wiwi, Horana, Peratiamu, me Huitarani.

Kua eke ki te 55,000 nga tangata kareti, wahine, tane, kua uru ki tenei ropu, ahakoa kaore ano kia rima nga tau o tona whanau-tanga. Ko nga kareti nunui anake e ahei te tapoko, kaore nga kura ririki; ko Te Aute anake te kura Maori o Niu Tirenī kua uru.

Te take o tenei kotahitanga, he pāhere i ngā tangata kareti i te ao, he whakakaha i te whakapono i roto i ngā kareti, he hapai i te whakapono o o ratou whenua, o te ao katoa hoki. Kua taiawhioria te ao katoa, a ko ona apiha kaore i te iwi kotahi engari kei te ao katoa. Waiho nga kawanatanga o te ao kia ri-riri ana, ko te hunga Karaitiana ia o nga kareti o ia kawanatanga, o ia mana, o ia whenua, kei te pupuri nga ringa, kei te tauhe-rea nga ngakau e te aroha o te Karaiti. Ka rite mo ratou te kupu i kiia e ngā tau-tangata mo ngā Karaitiana o mua, "Titiro ki te aroha o ngā Karaitiana tetahi ki tetahi."

I korerotia ano e matou te tuunga o te hui ki Whakatu i tera tau, a te manga o Niu Tirenī o tenei ope nui, i tae ai etahi o nga tamariki o Te Aute me etahi atu. Kua tu ano te hui tuarua, kotahi rau ngā tangata kareti i tae, no Ahitereiria etahi i tae mai. He nui te pai o taua hui. I tono nga kai-whakahaere o taua hui kia tu tetahi tangata ki te whakaatu i te ahua me nga mate e pa ana ki te iwi Maori o Niu Tirenī. I te kore tino Maori i reira ka tu ko Mihi Kiiti o Te Aute ki te whai-korero. I uiui etahi o ngā tangata kareti mehemea e watea kia ratou he huarahi e ahei ai ratou te whakaako i te iwi Maori. Ko te pakeha kei te aroha noa mai ki ngā wairua o ngā Maori, tena ko te Maori kaore i te aro ake; heoi ano ta ratou e tino whakaaro ana ko te oranga anake o tenei ao, mehemea nei e ora tonu ana ratou ake, ake, ake.

Ehara i te mea e 55,000 tonu ngā tangata kareti whakapono i te ao, kaore, ko ngā mea anake enei kua tuhia nga ingoa. E te iwi, titiro kei te kai-ngakautia te mahi nei te

whakapono e ngā tangata matau, te mahi e kore nei e pirangitia e tatou. No wai te he, no te Atua no tatou ranei, i kore ai tatou e mohio ki te ngahautanga, ki te hari, ki te pai, ki te rangimarie o te whakapono? Kei pohehe tatou kotahi ano te tu o te pakeha o te ao, he penei me a tatou e mohio nei, he tutua, he atua-kore, he reo-kino, he koro-piko ki te moni hei atua mo ratou.

IIE PANUI

Ki te tangata e hiabia ana ki te Rawiri, ki te Himene: he nui noa atu ngā pukapuka kei a au inaianei: ko te utu:—

<i>He mea nui, kiri noa,</i>	... 2/6
<i>He mea nui, kiri pai,</i>	... 4/-
<i>He mea paku, kiri noa,</i>	... 1/-
<i>He mea paku, kiri pai,</i>	... 2/6
<i>He mea paku, kiri pai rawa,</i>	3/6

Maku o utu te Pane Kuini hei tuku atu i ngā pukapuka ki a koe.

NA H. W. WILLIAMS,

TE RAU, GISBORNE.

1/- Kua pau katoa nga Himene. Ka panuitia ano ina tae mai etahi.

HE TURE TUTURU.

1. Kotahi putanga o Te Pipiwharaura o te marama.
2. Ko te oranga mo te Pepa e rima hereni (5/-) i te tau, me nooti o te Poutapeta me pane ranei.
3. *Ki te pau nga hereni i tetahi tangata i tuku mai ai, ka takaiia tana Pepa ki te awahi where: e rua ngā pu.anga pena ka whakamutua te rere atu a te Pepa.*
4. E pai ana kia tukua mai ngā korero o ia wahi, o ia wahi o te Moru, engari kei te Euta te tikanga mo te ta i aua korero: kia marama te tuihiti.
5. Me penei te tuihiti waho o ngā reta katoa:—

Ki Te Pipiwharaura,
Te Rau, Gisborne.

NGA HUA KAREAO MA TA TATOU MANU.

£1 Mrs Goldsmith. 10/- Mrs. Carroll, Hemi Matenga. 7/- Hemi McDonnell. 5/- Mrs. Fairlie, Wi Rangirangi Nireaha Tamaki, Kaharuru Tanehu, Kiwai Hiwinui, Matiu Harawira, Tamihana Wairuamata, Kurumoa, Tuparoa Reading Room, Hakopa Kahi, Huta Paaka, Hare Heterewika, Hohepa te Piri, Panipa Waihopi, Kepa Pomare, Hori Korohina, Raniera Tahu, Hare Kawenga, Tautahi Pohatu, Harehare, J. Hardiman, Karaka Tarawhiti, Rawiri Tikahia, Manaaki Areta, W. H. Pehimana. 5/- A. H. Pokai. 2/6 Taiwera Rawiri, Alex. Mackenzie.